



**UNIT KOMUNIKASI KORPORAT JABATAN  
PERIKANAN MALAYSIA  
BERITA PERIKANAN HARI INI**

**26 Februari 2021**  
**17 Rejab 1442H**

SENARAI AKHBAR	TAJUK
Utusan Malaysia	• Nelayan asing dibenar masuk
Berita Harian	•
Harian Metro	•
Kosmo !	•
Sinar Harian	• Galak kembangkan sektor akuakultur
The Star	•
New Straits Time	•
Nanyang Siang Pau	•
Malaysia Gazette	•
Harakah	•
Malaysia Now	•
Bernama	•
See Hua Daily News (Kuching)	•
Guan Ming Daily	•
Free Malaysia Today	•

JENIS AKHBAR							MUKA SURAT	TARIKH
UTUSAN MALAYSIA	✓	KOSMO 1		THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL		1 & 3	26/2/2021

## Nelayan asing dibenar masuk

UM M/S 1  
26/2/2021

Oleh ZAID MOHD. NOOR  
zaid.noor@mediamulka.com.my

**ALOR SETAR:** Lebih 400 pemilik bot laut dalam di negeri ini menarik nafas lega apabila mereka diberi kebenaran membawa masuk pekerja nelayan dari Thailand mulai minggu hadapan.

Ini bermakna aktiviti penangkapan ikan laut dalam dapat beroperasi semula selepas hampir lumpuh berikutan ketiadaan tekong dan awak-awak warga asing yang tidak dibenarkan masuk ke negara ini sejak penutupan pintu sempadan ekoran penularan pandemik Covid-19, Mac tahun lalu.

Bercakap kepada *Utusan Malaysia*, Pegawai Khas Pertubuhan Pemilik Bot Ikan Negeri Kedah (PPBINK), S. Sivakumar berkata, kebenaran membawa masuk pekerja nelayan asing untuk industri laut dalam itu penting bagi memastikan bekalan ikan mencukupi di pasaran negara.

Bersambung di muka 3

UM M/S 3 26/2/2021

# Nelayan asing dibenar masuk

### Dari muka 1

Ini kerana, katanya, kebanyakan bot terbabit tidak dapat beroperasi selepas pekerja nelayan asing dari Thailand tidak dibenarkan memasuki negara ini sejak pelaksanaan Perintah Kawalan Pergerakan (PKP) pada Mac tahun lalu.

"Pada setiap bulan, dianggarkan seramai 30 hingga 50 pekerja nelayan dari Thailand akan dibawa masuk ke negara ini untuk bekerja dalam industri bot laut dalam," katanya.

*Utusan Malaysia* pada 20 Februari lalu melaporkan kerajaan dijangka membelanja besar

untuk mengimport bekalan ikan dari luar negara bagi menampung permintaan di pasaran berikutan industri perikanan laut dalam di negara ini berisiko lumpuh kerana kebanyakan bot nelayan tidak dapat beroperasi kira-kira setahun lalu.

Sivakumar berkata, kemasyarakatan pekerja asing itu akan diuruskan oleh PPBINK selepas mendapat kerjasama Konsulat Jeneral Malaysia di Songkhla, Thailand dan kerajaan negeri menerusi pejabat Setiausaha Kerajaan Negeri serta Imigresen.

Menurutnya, kesemua pekerja nelayan asing yang di-

benarkan masuk negara ini perlu mempunyai dokumen pengesahan negatif Covid-19 daripada Kementerian Kesihatan Thailand dan diluluskan Konsulat Jeneral Malaysia di Songkhla.

"Pekerja nelayan asing tidak dibenarkan memasuki negara ini dan diberikan kelulusan untuk mendapatkan *My Travel Pass* yang dikeluarkan oleh Jabatan Imigresen Malaysia sekiranya tidak mempunyai surat pengesahan negatif Covid-19.

"Selain itu, nelayan asing yang dibenarkan memasuki negara ini perlu menjalani saringan Covid-19 sekali lagi dan

kuarantin di sini dalam tempoh yang ditetapkan oleh kerajaan sebelum memohon Pas Lawatan Kerja Sementara (PLKS)," katanya.

Beliau memberitahu, kesemua kos dokumen membawa masuk pekerja nelayan asing, saringan covid dan tempat kuarantin itu akan ditanggung oleh pemilik bot.

"Kos membawa masuk pekerja nelayan asing melalui PPBINK dianggarkan antara RM4,000 hingga RM5,000 seorang berbanding lebih RM8,000 seorang sekiranya menggunakan agensi lain," katanya.

JENIS AKHBAR						MUKA SURAT	TARIKH	
UTUSAN MALAYSIA		KOSMO!		THE STAR	NANYANG SIANG PAU			
BERITA HARIAN		SINAR HARIAN	✓	THE SUN	ORIENTAL DAILY			
HARIAN METRO		NEW STRAITS TIMES		THE MALAY MAIL	PELBAGAI			
KATEGORI LIPUTAN: POSITIF			NEGATIF		NEUTRAL		27	
							26/2/2021	

SH MS 27 26/2/2021

# Galak kembangkan sektor akuakultur

Bagi mengimbangi eksploitasi sumber laut dan tingkatkan ekonomi negara

Oleh ROSMIZA KASIM

KOTA BHARU

**K**ementerian Pertanian dan Industri Makanan (MAFI) menggalakkan penglibatan dalam sektor akuakultur secara serius bagi mengimbangi eksploitasi sumber laut dan meningkatkan ekonomi negara.

Timbalan Menteri Pertanian dan Industri Makanan II, Datuk Che Abdullah Mat Nawi berkata, eksploitasi sumber perikanan tangkapan yang berlebihan juga menjadikan sektor akuakultur pen-

ting dalam negara.

Menurutnya, sumbangan daripada sektor akuakultur berdasarkan kepada statistik pengeluaran pada tahun 2018 ialah sebanyak 391.465 tan metrik dengan nilai RM3.06 bilion.

"Pada tahun 2019 pula sebanyak 411.782 tan metrik bernilai RM3.30 bilion yang dikeluarkan dari komoditi air tawar, komoditi ikan marin atau payau dan rumpai laut dengan mencatatkan peningkatan kuantiti serta nilai.

"Daripada jumlah tersebut, Kelantan menyumbang sebanyak 6.449 tan metrik pengeluaran pada tahun 2019 dengan nilai RM57 juta," katanya di sini pada Khamis.

Beliau ditemui ketika melawat projek penternakan ikan siakap dan tilapia merah yang diusahakan Mohd Zain Md Daud di Kampung Pantai Kundor dengan purata pengeluaran 30 tan metrik setahun.

Che Abdullah bersama Pengarah Perikanan Kelantan,



Che Abdullah (dua dari kiri) bersama Nazri (kiri) melihat ikan tilapia merah yang dipelihara Mohd Zain (kanan) di Kampung Pantai Kundor, Kota Bharu pada Khamis.

Nazri Ishak turut melepaskan kira-kira 30,000 benih ikan sebagai komitmen kerajaan membantu penternak mengusahakan ternakan ikan tilapia.

Katanya, di Kelantan terdapat kira-kira 21,343 bilangan

sistem ternakan seperti kandang ikan, kolam air payau, kolam air tawar, sangkar air payau diwujudkan di 10 daerah di negeri ini yang diusahakan 1,200 penternak aktif.

"Kerajaan akan sentiasa

menyokong usaha jabatan dan penternak dalam membangunkan lagi sektor ini di dalam negara dan terus membekalkan sumber protein yang diperlukan rakyat," katanya.